

**Theses botanicae et medicae de rosa de Jericho, vulgo dicta ... / [Augustus Fridericus Mergiletus].**

### **Contributors**

Mergiletus, Augustus Fridericus, active 1700-1701.

Mapp, Marc, 1632-1701.

Université de Strasbourg.

### **Publication/Creation**

Argentorati : Literis Johannis Friderici Spoor, [1700]

### **Persistent URL**

<https://wellcomecollection.org/works/u8q4s6qq>

### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

36569/P  
36  
F. F.  
THESES BOTANICÆ ET MEDICÆ  
DE

# ROSA DE JERICHO,

vulgo dicta,

*De quibus*

PRÆSIDE

VIRO NOBILISSIMO, AMPLISSIMO, EXCELLENTISSIMO  
*atque* EXPERIENTISSIMO

DOMINO MARCO MAPPO,

Philosoph. & Medicinæ Doctore, Rei Botanicae & Pa-  
thologiae in Universitate Argentinenſi Professore Publico,  
Reique publicae Physico ordinario,

Domino Patrono, Fautore & Praeceptore suo  
omni honoris nomine pie semper  
prosequendo,

in Cathedrâ SOLENNITER  
respondebit

AUGUSTUS FRIDERICUS MERGILETUS,  
Argentinensis,

Die Mensis Februarii Anno 1700.

---

ARGENTORATI,  
Literis JOHANNIS FRIDERICI SPOOR.



THESES BOTANICAE ET MEDICAE

ROSA

DE JERONIMO

Virgo dicta

De ordine

PRÆSIDII

VIRI DOCTISSIMI, AMPLISSIMI, ACUTISSIMI

IN PRAESIDIIS

DOMINO MARCO MARPO

Philosophi & Medicini Doctore, Regii Medicus & Praeceptor

Philosophiae in Universitate Argentorati Praeceptor & Praeceptor

Regiae Praeceptor Praeceptor ordinis

Domino Praeceptor Praeceptor & Praeceptor Praeceptor

omnis Praeceptor Praeceptor Praeceptor

respondendo

in Censura SOLENNITER

respondendo

AUGUSTUS FRIDERICHUS MONTANUS

Argentorati

Dr. Med. Praeceptor Praeceptor Praeceptor

Argentorati Praeceptor Praeceptor

Dr. Praeceptor Praeceptor Praeceptor





## INSTITUTI RATIO ET OCCASIO.



Uæ Curiosorum inter cætera passim ornat Musæa, Mulierularum pretiosioris & arcani ad puerperia adparatus partem constituit, Virorum autem præclarorum torfit ingenia, vulgò dicta Rosa de Jericho, admirationem etiam nostram traxit ad se, cum Filius meus MARCUS MAPPUS, Med. D. superiori anno illam ipsam in vase terreo ex semine, cujus inter alia per amicum etiam βοτανόφιλον compos factus fuit, germinantem coleret, ut arida iis quæ ex Palæstina post religiosas peregrinationes à quibusdam allatæ traduntur, plane esset & sit etiamnum assimilis. Planta est sui generis, spithamam à terra vix superans, ex lignosis & consertis ab ipsâ radice



enatis stolonibus, numerosos, rigescentes, virides ramulos, foliis oblongis, læte viridibus, vix uncialibus, sinuosis, crassiusculis ornatos spargens; cujus flores minimi tetrapetali, candidi, odoris expertes, quorum quemlibet sequitur capsula seminalis duobus loculis membranula disclusis, duo semina rotunda parum compressa continens, numerosis capsulis racemi formam utcunque referentibus; Radix autem lignosa simplex. Habet hoc singulare hæc Planta, quod versus hyemem numerosi illius Ramuli, rigescentes alias, cancellatim & reticulatim quasi in globum coeant, magnitudine fere manus in pugnum contractæ; denique dum exarescit cinerea evadat. Lignosam hanc Plantam plane exsuccam & aridam fama est, ex Palæstinæ Hierichuntinis hortis aut agris adferri in Europam, ab illis qui loca illa devoti salutarunt; Illam exsuccam, ut dictum, & aridam Plantam, si, ea nocte quæ præcedit diem, quo celebramus festum Nativitatis Christi, radix ejus in aqua mergatur, sponte sua aperiri, ramulosque exporrigere, secundum quosdam etiam florere, nec ante festum paschale claudi; Eandem post  
decur-



decursum plurimorum etiam annorum, Parturientium Obstetricibus atque Matronis adstantibus verum partus tempus indicare, dum demissa in aquam, eo ipso momento, quo foetus perumpit membranas atque ex utero emergere fatagit, fatiscit & se manifeste explicat, adeoque certiores adstantes Mulieres reddit, de statu parturientis; quando autem aperitur, statim parere mulierem sine periculo; Aquam Vinumque in quibus hæc macerata est, partus accelerare & lenire dolores? Hæc cum omnem admirationem superent, constitui illius Plantæ naturam & quæ de illa feruntur, paulo diligentius excutere, eumque in finem amico Eruditorum colloquio sequentes exponere theses.



THES. I.

**Q**Uamvis Matronæ Austriacæ Pericly-  
meni vulgaris duo genera *Rosen von Jericho*  
appellitent, & *Johannes Fragosus* Toleranus  
Florem etiam Solis Peruvianum maximum, He-  
lenium Indicum maximum dictum, salutarit Rosam Hie-  
richontis; attamen communiter alias, nomine Rosæ de  
Jericho, venit singularis illa Planta, cujus à Botanicis re-  
centioribus, magno numero mentio fit, & quæ exsicca-  
ta lignosa & conglobata, arcani quarundam mulierum ad  
puerperia adparatus partem constituit, & in Musæis Cu-  
rioforum, tanquam res mirifica, ostentatur, atque in Vi-  
gilia Nativitatis Christi & circa parturientes, motu suo si-  
gnificativo se commendare, à multis creditur.

TH. II.

Hæceadem est, quam Religiosi (qui pluribus olim  
Plantis nomina à Divis Sanctisve, aut rebus variis quibus  
hi usi fuere, desumpta imposuerunt,) & Mulieres (quæ  
amant ejusmodi nomina mysterium quasi involventia) &  
Medici (qui in multis receptam tolerant loquendi con-  
suetudinem) vocant *Rosam S. Mariæ* & *Hierosolymitanam*,  
à loco unde fama mirificæ naturæ & virtutis divulgata  
fuit.

TH. III.

Rosa de Jericho dicta Veteribus, qui Plantarum  
Historiam adornarunt, indicta: quod tanto minus ipsis  
vitio verti potest, quia, hodierna adhuc luce, subinde  
in



in Syria Plantæ inveniuntur quarum nulla ante fuit in Europa cognitio, delineatio aut descriptio.

TH. IV.

Falli *Robertum Constantinum*, quando *Theophrastum Eresium* *Histor. Plantar.* l. IV. c. 9. Rosam Hierichuntinam delineasse asserit, luculenter satis ostendit *Johannes Bædaeus à Stapel* in *Comm.* ad l. c.

TH. V.

Quando traditionum de Rosa de Jericho authores, quos *Petrus Bellonius* notat, dictis nominibus illam ornarunt, videntur pro auctoritate in illis locis nomina ad intentionem suam accommodasse: Dum vero Peregrinatores devotos hujus, tanquam rei pretiosissimæ participes fecerunt, additis de mirifica illius natura traditionibus, hinc per Europam orta fama magnarum nunciarum.

TH. VI.

Quod tamen illam traditionum de Rosa Hierichuntica partem attinet, quæ concernit muliebre sexum & parturientes, illa aliam etiam & altiore originem agnoscere videtur, quoniam ex Peregrinatorum, qui Syriam & Regiones vicinas perlustrarunt, annotatione constat, quando Hierosolymis venales importantur Rosæ de Jericho dictæ, Judæos illas anticipare & magno studio coëmere, quoniam magni apud illos æstimantur, & in commoda sexus muliebris asservantur, cum tamen Judæi

Tra-



Traditionibus Christianorum Religiosorum fidem non habeant.

TH. VII.

Si ad receptam antiquissimis temporibus Plantarum divisionem, in Arbores, Frutices, Suffrutices & Herbas (quâ melior hætenus prolata non est,) respiciamus, Suffrutex vel Fruticulus erit dicenda Planta questionis.

TH. VIII.

Quæ communiter dicitur Rosa de Jericho, non est Rosa. Nec Genus idem nec differentiam agnoscit eandem.

TH. IX.

Rosa de Jericho non est Amomum, ut *Euricius Cordus* Pater, & *Valerius Cordus* Filius & *Julius Caesar Scaliger* tradiderunt.

TH. X.

Cum variæ de Amomo sint sententiæ, in eo tamen conveniunt, esse aromaticum quid. Cum vero Rosa de Jericho dicta, fruticulus sive virens, sive aridus, flosculi, & semina illius, nihil spirent aromatici, *Julius Caesar Scaliger* equidem speciose respondit, *Natalium humori hoc & vetustati esse attribuendum: non autem detrahendum speciei, propter accidentium quorundam absentiam.* Sed cum hodie virens & recens, siccata & arida, flosculi, semina, sensuum examini possint subjici, ista quidem excusatio nulla est.

TH. XI.



TH. XI.

Turpiter se prostituerunt, qui mangonio gratum atque suavem huic Plantæ exsiccatæ odorem conciliare voluerunt, forsan in gratiam hypotheseos: nec minus illi, qui Radicis, ut plurimum satis simplicis, excurrentes fibras dolose demunt, ipsamque Radicem pro Pediculo Rosæ imaginariæ venditant.

TH. XII.

Mirum quod quibusdam in mentem venire poterit, Rosam Hierichunticam esse Aspalatum.

TH. XIII.

Hodiernorum Curiosorum Botanicorum pars maxima, pro vera & genuina specie Thlaspias habet.

TH. XIV.

Hi autem respondere adhuc debent, ad argumenta in contrarium adducta, à percelebri Botanico Bononiensi *Giacomo Zanoni*, in Historia sua Botanica Italico idiomate conscripta, Scilicet. 1. Quod Capsula seminalis Rosæ de Jericho referat caput rotundum Aviculæ cum suo rostello. 2. quod Semen ejus examinatum per microscopium, magis referat semen Myagri, quam Thlaspios. 3. quod semen ejusdem non sit acre, sicut semen Thlaspi.

TH. XV.

Interim, quod Dn. *Camerarius* scripsit in Horto suo, *Rosæ Hierichuntina dicta aliquid ferme habet commune cum Thla-*



*spio*, firmo stat talo, etiam secundum curiosorum hujus seculi Botanicorum notas características, unde determinationem generis sumendam censent.

TH. XVI.

Qui Plantam quæstionis adpellant *Thlaspi fruticosum* de Jericho, in eo saltem hallucinantur, quod non sit de Jericho.

TH. XVII.

Rosa de Jericho dicta circa Jericho aut in Jericho, ut in loco natali, non nascitur.

TH. XVIII.

Qui scribunt, in Judæa prope fontem *Elisæi*, arbores crescere instar *Prunorum*, spinosas tamen, in quibus flores nascantur, quæ Rosæ *Hierichunticæ* vocantur, nugas vendunt.

TH. XIX.

Terra, quæ hanc pusillam plantam sponte profert, est Arabia deserta, in locis arenosis.

TH. XX.

Non solus *Petrus Bellonius* oculatus hujus rei est testis, ut communiter solus allegatur, quamvis doctus & sagax peregrinator, instar multorum esse posset, qui, quæ in Oriente rerum naturalium cognitioni inhians observavit, annotavitque, erudito orbi bona fide tradidit.

TH.



TH. XXI.

Confirmantur quæ de Planta quæstionis ejusque Patria ille habet, ab aliis curiosis, qui ex devotione quidem in Terram, quam vocant Sanctam, iter susceperunt, Naturalia tamen singularia in quæ inciderunt, diligenter examinarunt, annotarunt & Itinerariis suis, suo quisque idiomate, inseruerunt.

TH. XXII.

Sunt ex illis, qui fidem nobis faciunt, tanta in notata regione in locis arenosis provenire copia, ut iter facientes, in defectu lignorum farmentorumve, illa ignem alant, ad excoquendos cibos.

TH. XXIII.

Plures esse Species Rosæ de Hiericho, nullo hactenus indicio constat.

TH. XXIV.

Solo illa patrio carere potest & calore Regionis, in Regionibus etiam frigidioribus, atque etiam in nostra feliciter succrescens.

TH. XXV.

Hinc nullum est dubium, quos *Petrus Bellonius* Traditionum de Rosa Hierichuntina auctores nominat, in Hierichuntinis Hortis eam facile plantare potuisse, ex semine ex Arabia deserta accepto, forsan in & cum Rosis Hierichuntinis dictis, quæ fere quotannis ex Arabia deserta Hierosolymas importantur.



TH. XXVI.

Quamvis lignosam habeat radicem, lignosi etiam evadant ramuli illius Plantæ, attamen non est perennis, sed annua,

TH. XXVII.

Non frustra annotavit *Dn. Camerarius* Rosam Hierichuntinam infestari à Campis viridibus. Nam nisi virentem & florentem ab illis vindices diligenter, folia, flores, capsulas seminales depascunt.

TH. XXVIII.

Quando *Petrus Bellonius* scribit, notatos Traditionum supra tactarum de Rosa Hierichuntina authores, Argumentum sumsisse ex Sacra Scriptura: Ecclesiast. sc. c. 24. *Sicut Palma exaltata sum in littoribus & sicut Planta Rosæ in Jericho*, cum ipso arbitramur, omnia suadere, locum accipiendum, de vulgaris notitiæ flore, quæ Rosa dicitur & in planitie Hiericho fertili superbit speciosissima,


TH. XXIX.

An vero in valle Jericho superbientes & pretiosissimæ Rosæ, habeant 150. folia, ut non nemo asserit, merito dubitatur.

TH. XXX.

Rosam de Jericho dictam non divinitus & miraculose in Vigilia Nativitatis Christi Redemptoris nostri, aut instante partu, in aqua aperiri, probavit *Petrus Bellonius*, facto periculo declarans, illam quolibet tempore ramos  
expli-





explicare, & formam globosam amittere, si radix vel potius tota arida planta in aqua mergatur.

TH. XXXI.

Iterum iterumque facto periculo, Viri Rei Herbariæ studiosi plures, idem quod *Bellonius* & nos observavimus, Phænomenon observarunt, & potest idem quovis tempore curiosorum oculis subjici.

TH. XXXII.

Frustra unus & alter, ut effectus mirabilis in vigilia Nativitatis Christi seqvatur, postulant Aquam benedictam seu lustralem; cum & in vigilia Nativitatis Christi, & quolibet alio tempore, in quavis aqua, puteali, fontana, pluviali &c. etiam sese expandat & explicet ante globosa Planta.

TH. XXXIII.

Vera causa, quare conglobati & cancellatim quasi impliciti ramuli, strigosi & aridi sese explicent, est, quia bibula est valde substantia lignosæ plantæ, facileque per poros in ramos admittitur humor, quo turgidi tenduntur atque ita expanduntur, majusque spatium requirunt: quod quodammodo illustrari potest, exemplo Turundarum ex spongia arte compressa, aut radice Gentianæ in vulneribus & fistulis, nec non Pisi in Fonticulo.

TH. XXXIV.

Quare autem in nostra Planta, quando viriditatem



amittit & arefcit, nec non, quando arida, aquæ commiffa radice, denuo expanda fuit, extra aquam paulo poft omnes ramuli introrfum incurrentur, caufa non eft ficcitas fola, fed fupplementum caufæ videtur petendum, ex fingulari lignofæ fubftantiæ textura, quam acies oculi humani non aflequitur.

TH. XXXV.

Rofam Hierichunticam in Natali Chrifti florere, qui fcripfit, non potuit illud probare, nec alius poft illum.

TH. XXXVI.

Molliori interpretatione opus habent verba *Jacobi Cornuti* Doctoris Medici Parifienfis, quando fcripfit *Rofæ Hierichunticæ, trigesimo poftquam eruta eft anno, fi radicem aquæ madefactas, quæ conglobatis erat in feſe ramulis, ſtrigofis, aridis & mortuis, hujus illico brachia revivifcunt, fofculique contracti extenduntur, expandunturque, ſtupendo quodam Naturæ miraculo: cum neque vitæ neque viritidatis ulla ſe manifeſtent in ea indicia, & capſulæ ſeminales locum fofculorum occuparint.*

TH. XXXVII.

Quando quibusdam in locis obſtretrices in difficili partu, morâ periculum minitante, ex apparatu ſuo | Roſam de Jericho promunt & ſpectante Parturiente radicem aquæ committunt, ramuliſque lignoſis contractis & conglobatis aridiſque paulo poſt ſe expandentibus, inter ipem & metum tum Parturientis tum adſtantium

Ma-



Matronarum, fidem faciunt, sicut Rosa de Jericho ante oculos & in conspectu illarum, se expandit, ita modo apertum esse internum matricis osculum, propterea dolorum finem & felicem jamjam partum imminere, dulcem illis narrant fabulam.

TH. XXXVIII.

Ambiguitatis plenum est pronunciatum Dn. *Th. Bartholini*, quod legitur in Actis Hafnienfibus, *obstetricum observatio si quicquam veri habet, humorem puerperii transplantari.*

TH. XXXIX.

Quod Rosa de Jericho ab Obstetrice in gratiam parturientis Aquæ commissa, ramos illa expandente, Femina flatim pariat sine periculo, Partum dubium illa componat & angustias illius foetu proprio compensare, valeat valde utilis puerperis, facto periculo falsum deprehenditur.

TH. XL.

Imo etiam non facto periculo Medicus in Naturæ & Artis operibus versatus, certus est has & similes locutiones esse hyperbolicas.

TH. XLI.

Obstetricum nostrarum Majores videntur dedidicisse decantatum illud, ad erigendas per Rosæ Hierichunticæ phænomena, inter spem & metum doloresque languen-



guentes parturientes excogitatum institutum, quia de il-  
lo altum apud istas silentium,

ТН. XLII.

Majorem tamen olim illius fuisse gloriam, etiam  
apud nostrates, inde colligimus, quia in Nobilium Fa-  
miliarum non paucis, ejusmodi Rosæ dictæ de Jericho in-  
terpretiosa asservantur, ostentantur, antè seculum & quod  
excurrit, à majoribus etiam asservatæ & ostentatæ,  
dubia semper manente narratione virtutis  
in puerperio.









